



KOMUNIKADO PA PRENSA

Fecha

13 di dezèmber 2016

Accountmanager

Jhanirha Da Costa Gomez-Anita

Email

jhanirha.anita@gobiernu.cw

Ministerio di VVRP ta aktua kontra transportashon no konforme pèrmit òf eksonerashon duná.

Willemstad – Ministerio di Tráfiko, Transporte i Planifikashon Urbano (VVRP) ta informá ku el a tuma nota di transportashon di turistanan ku ta sosodé na un forma no konforme palabrashonnan stipulá. Inmediatamente, na momentu ku el a tuma nota di esaki, Minister Camelia-Romer a laga tuma e pasonan korespondiente.

Ta asina ku aki na Kòrsou, pa por transportá un persona òf un grupo di persona di un punto pa otro, e individuo òf kompania ku ta duna e servisio di transporte, mester tin un pèrmit òf eksonerashon riba un regla konforme nos lei 'Eilandsverordening Personenvervoer (A.B. 1969, no. 23)'.

Na momentu e ministerio risibí un keho relashoná ku un kompania ku no ta mantené su mes na su pèrmit òf eksonerashon, e promé paso ta pa laga ekspertonan di e ministerio hasi un investigashon. Na momentu ku resultá ku e kompania no ta kumpli, ta konsehá Minister pa manda un atvertensia pa e kompania aki indikando na dje ku e mester stòp ku tur aktividat ku no ta konforme su pèrmit òf eksonerashon, i ku e mester mantené su mes na su pèrmit òf eksonerashon. Tambe ta indiká na e kompania ku si e kontinuá ku e práktikanan ku ta bai kontra di su pèrmit òf eksonerashon, Minister lo hala e pèrmit òf eksonerashon aden inmediatamente. Tambe ta tuma kontakto ku Minister di Hustisia pa aktua kontra di e kompania aki na momentu ku tuma nota ku esaki ta aktuando na un forma no konforme su pèrmit òf eksonerashon. Kòntrol di pèrmit ta trabou di i ta parti di kòntrolnan regular di Kuerpo Polisial.

Den e kaso ku a tuma lugá resientemente, kaminda un kompania di tour a hasi su mes kulpabel di ofresé servisionan di transporte na turistanan, siendo ku e no tabata tin e eksonerashon pa hasi esaki, Minister Camelia-Romer a kana e pasonan menshoná debidamente. E kompania konserní a risibí un karta di atvertensia di Minister pa e stòp mesora ku tur práktika ku no ta konforme su eksonerashon. Tambe a informá Ministerio di Hustisia di esaki pa asina nan por aktua ora ku tuma nota di kualke iregularidat di banda di e kompania aki.

Di e forma aki, Minister Camelia-Romer ta sigui traha pa un Kòrsou na òrdu.